

آللهدان غيرينه آند ايچمك شيرك سايلماز

شيعة تقليد مرجعي دئدى: آللهدان سوواي آيري موجوداتا دا آند ايچمك اولار. بير حالداكى وهابيلر بو عقيدهنى شيرك سايبيرلار و اونلارين بو فيكرلري قورآنين و اوندا اولان آندلارين خيلافينادير.



شيعة تقليد مرجعي دئدى: آللهدان سوواي آيري موجوداتا دا آند ايچمك اولار. بير حالداكى وهابيلر بو عقيدهنى شيرك سايبيرلار و اونلارين بو فيكرلري قورآنين و اوندا اولان آندلارين خيلافينادير.

مهر خيرنگارى گوزاريشينه گوره, آيت الله العظمى جعفر سبحانى «قم» شهرينده حجتية مدرسه سينده قورآن تفسيرينده «تين» سوره سى نين تفسيرى ضيمنينده دئدى: آلايه بو سوره ده و اونون بيرينجى آيه سينده انجيره آند ايچير كى بو ميوه نين اهميتينى گورسه دير.

او ايدامه وئردى: بعضى موفسيرلر بو ايكى كلمه نى ميوه حنسابلاميرلار و بئله بيليرلر كى آلله نين منظورى سينا چؤلونده ايكى موقدس تين و زيتون داغلاريدير.

قمن علميه حوزه سى نين اوستادى طور سينايا آند ايچماغا ايشاره انديب دئدى: هابئله بو سوره ده موقدس طور سينايا آند اولور كى بو داغدا تورات حضرت موسى به (ع) نازيل اولدو.

او بو سوره نين موختليف آيه لرينه ايشاره ائله ماغينان بويوردو: بو آيه لر گورسه دير كى آلله دان غيرينه ده آند ايچمك اولار , بير حالداكى وهابيلر بو ايشى شيرك سايبيرلار و اونلارين بو فيكرلري قورآنين و اوندا اولان آندلارين خيلافينادير.

آيت الله العظمى سبحانى قورآن سوره لرينده آنددان مقصده ايشاره انديب آرتيردى: تين و زيتون كيمي بعضى آندلار او ماده و يا شخصين اهميتينه ايشاره ائدير و بعضى آندلار دا بير شئيبن و يا يئرين موقدس اولماسينا نيشانه دير مثلاً بلد امين و يا همان مكه.

بو قورآن موفسيرى تاكيد ائله دى: بلد امين يا مكه موقدس بير يئردير كى اونون تقدوسى تشريعى و قانونى دير و ائله بونا خاطر اورا پناه آپارميش موجريمى اولدورماق اولماز.

لينك مطلب در سايت : <http://torki.tebyan-tabriz.ir/?MID=21&Type=News&id=414>